


樊峰詩鈔

千雲



二

黃年詩鈔



燕峯詩鈔

二自山房輯錄

成都費密此度

贈答

送道客還葛仙山

塵世真難住深山返御風月來春殿濕雲散玉壇
空煮石娛仙女彈琴過老翁碧桃須再種待我萬
花中

贈楊大將軍

展

高懸玉節拜諸侯報國丹心事已酬綉甲入雲秋
射虎寶刀含雪夜椎牛軍中氣肅齊聞角野外風

清獨上樓自古分茅頌異姓令公湯沐在汾州

別友

既來不甚數去亦無乃輕吾且行鼓瑟子何多遠
情山寒滴竹露屋靜聞松聲幸有石門在四時禽
鳥鳴

贈柳文

興元城外草離離忽漫逢君若有期白馬翩翩春
雨路青袍冉冉少年時先人故吏知誰在江左風
流動客思已是歲深重話舊天涯相對總忘機
行年四十未登朝避亂辭家萬里遙駿業自能垂

竹帛鴻篇直欲上春潮
美髯人道方靈運觀化誰
知繼子喬我已白頭君
尚少輸君身得聽簫韶

逢洪良嘉漢中欲往蜀試

亂中佳句未能酬復向
褒斜上此樓賤子夢連巴
水月故人來值楚江秋
黃蜂峽裡蠻烟斷杜宇巢
邊客路愁便使成名須
官早雲山老大恐難游

合歡曲

龍涎香染紫綃衣斜上
珠簾見月暉幃幙乍開
天似水玉簫聲起鳳雙
飛賀于咸受

荷葉朝開並蒂花風來
香遶曲窗紗綵鸞本是
神

仙侶手啖蕭郎棗類瓜賀于人弘

洋縣寄楊拙菴使君

百里尋春遠江城歸路遲每從花發處長憶對君
時射圍銀鞍馬書床玉硯螭秋深同出郭半醉好
題詩

隱者

老翁久深隱結屋岩石間春日采芳芷夕陽行亂
山無事入城郭獨負壺樽還便欲隨芒屨白雲相
與閒

暮春別胡介

落落感寤寐相逢何至今
舊聞君善哭獨有事傷
心向此殘春路悠然江上吟
及家應墮淚隨雨灑
荒林

丁日乾海寧草堂

近屋始誅茆為山亂石高鑿池
藏夜月買樹得春
巢命子青藤杖留賓白苧袍
觀君如隱鵠雅欲繼
風騷

贈龔賢

四十方抱子老來多遠謀
生平一心在書畫百年
收家近睦宗族天寒擁敝裘
異時隨出處應爾續

風流

送李毓蕃叟移家信陽

偕老征千里流離亦所難
吾家同去蜀火食未能
安青草連城暗黃河入
座寒中原多烈士馬上
一回看

壽貴客

春滿薦芳辰和風拂袖頻
寶刀含日月宮錦耀麒麟
直似鞭龍客還同馭鵠人
汾陽先事在眉壽屬西秦

送劉法乾還蜀完婚

子去貧無贈題詩寄遠情少年能折節文采足平
生雪裡松蘿茂雲邊薜荔輕寄來新試卷相望得
英名

送夏期星還紹興葬親

送爾山陰道千車會葬時牛眠當禹穴烏篆出吳
碑大事遠歸盡此生何所思南州將祭酒來與故
人期

贈楊碧

垂老適百里而為鄉塾師饑寒暫欲免遂已在天
涯舊業存經傳新愁見賦詩徒憐君長者我亦共

棲遲

贈客

屏跡屠沽內常懷一飯恩
鐵椎報公子寶玦贈高人
抗手自茲別悲歌西入秦
可詢王景略捫虱向誰論

高郵遇故人

相逢多難後只此是天涯
與子躬耕處蒼生尚幾家
朱門齊牧馬白骨亂開花
耆舊何人在行吟感

暮鴉

感慨深厚

送王阮亭使君

十字受君知相逢何太遲
秋烟南浦上寒雨北征時
文采傳江左風流播帝畿
高人不易見從此日依依

送友之官嶺南

荔子紅相亞龍鱗黑更香
嶺南行作吏山水盡風光
寶物奇難得民生近可傷
觀君舊衣履知欲續循良

與張濤

字松壑襄城人張宛都諱士羲字元操先生之子

父執推前輩遺書共討論
敢云易在蜀惟冀子其

人野步平沙月荒園雜果春
吾生非愛酒取醉適天真

趙適自成都至江左

春仲下瞿塘嵐烟繞石梁
峰文停月小雨氣得花香
歸路貧難遂秋田亂已荒
干戈人老盡不為爾霑裳

陸朝移家南村

稅得書樓萬竹中
半年早已付鄰翁
舊藏藥草都仍綠
新種桃花不見紅
茆屋乍安防夜雨
柴車忽去挽秋風
相逢豈是天涯路
只在寒烟負郭東

便欲終年閉華門卜居今果到南村月華深入秋
空迥海氣遙蒸雨晝昏未有花枝遮野路且將藤
蔓護籬根君家舊族江東貴可許長鑱老灌園
我亦無家何處棲聞君此去更淒淒久傷徒壁慚
司馬暫向荒村學祝雞果熟賓朋來晚食禾青僮
僕下春泥不知鄰舍容吾僨潦倒猶堪寄品題
書帙時開樹下看野人相過盡成歡漁舟來市少
錢得酒肆已非多病難但對青山消白晝隨他鳬
雁亂清湍平生本欲常行樂不為浮名厭弊冠

蘭溪縣重遇郭監軍奎先

南越多年別山城重遇公燈前歡把酒客况暫從
容烟起一江葦風來半壑松乘閒當過我同上此
亭東

贈蘭溪吳鯤

吳鯤年六十山縣老詩人地僻誰相過悠悠土木
身虛堂寒下月芳草蔓鋪春吾欲數來往君宜備
酒樽

贈陳允衡

時選國雅詩

陳子仍多病棲遲亦著書名山藏典冊大筆快駢
除迢遞僧樓晚低徊客坐餘近聞編國雅風旨定

何如

蘭溪贈客

黃山歸未得暫復郭門居與君同流寓過人多異
書斯焉存挺拔老矣益蕭疎每欲聞高詠空庭白
日餘

送蔣玉行之開封

獨騎生馬向中原衣滿塵沙白日昏君到大梁煩
借問古來何處是夷門

山舍樓中別諸子

青鞋辭白石赤手渡黃河尊酒高樓別深言此夜

多中原觀劍器上馬學饒歌待我歸來日相從聽
玉珂

逢嘉州冷然李果皓於平鄉縣

江表成羈旅別離年歲多飄零全骨肉兵火斷山
河忽進天涯酒重聞慷慨歌故園歸有路先向爾
來過

贈巴縣劉如漢翰林

望族何人最傳家總不如白頭三世樂青瑣十年
書相業遺先代勳華滿後車共稱君長者篤行欲
相於

俠士

河北事游俠蕭蕭兩鬢寒
篋中有寶劍不肯借人看

謁孫徵君

千里孤征謁閉關
荒台寂寞古村閒
遠從夫子期聞道
老作徵君不媿山
隱几久忘蕉葉夢
開門時見鹿羣斑
巴人久失文翁化
自喜田何受易還

送劉與生還廣元兼呈王岳

送爾西歸意惘然
吾家山水復誰憐
雲邊短杖看梅樹
雪裡微燈夢杜鵑
一郡更思新市後
千峯長

總無
恒貌